



Republika e Kosovës

Komuna e Drenasit

Kuvendi i Komunës



02 Nr. 060/01-3830 dt. 18.01. 2023

## PROCESVERBALI

I mbledhjes se jashtëzakonshme të Kuvendit Komunal të Drenasit të mbajtur më datë:  
**28.12.2022**

**Mbledhjen e kryesoi kryesuesi i Kuvendit Komunal-Milaim Hajdari**

**Kryesuesi deklaroi të hapura punimet e mbledhjes së rregullt të Kuvendit Komunal, ku të pranishëm ishin 16 anëtarë.**

Kuvendi filloi punimet më këtë :

Rend dite

1. Propozim vendim për shfuqizimin e vendimit 02. Nr. 464/01-18364 të datës 27.04.2022, të Kuvendit të Komunës së Drenasit.
2. Plani i Punës së Kuvendit Komunal për vitin 2023.
3. Plani vjetor i punës së Kryetarit të Komunës për vitin 2023.
4. Plani Komunal për Integritet 2023-2026.
5. Lista e rreziqeve Komunale për vitin 2023.
6. Propozim vendim për emërtimin e Ndërmarrjes Publike Lokale (NLP) në Drenas.
7. Informimi i Kuvendit për aktivitetet e KKSB-së për gjashtë mujorin e dytë.
8. Propozim vendim për miratimin e raportit të komisionit komunal përfundimtar për vlerësimin e dëmeve nga fatkeqësitë natyrore dhe fatkeqësitë tjera.

Të mërkurën me dt. 28.12.2022 është mbajtur mbledhja e jashtëzakonshme e Kuvendit të Komunës së Drenasit, ku për diskutim ishin 7 pika për rend dite.

Mbledhja është kryesuar nga kryesuesi i Kuvendit Komunal, Milaim Hajdari, ndërsa merrnin pjesë, Kryetari i Komunës, Ramiz Lladrovci, nënkryetari Arben Shala, drejtor të drejtorive komunale, anëtarët e Kuvendit, zyra e informimit, përfaqësues të KFOR-it, përfaqësues të Mediave. Në mbledhje morën pjesë vetëm 16 anëtar të asamblesë Komunale, ndërsa munguan 15 anëtar të Kuvendit Komunal, mungoi: Arbër Halilaj, Arigon Sinani, Azemine Bujupi-Gjoka, Filloreta Bujupi, Bekim Lestrani, Hamit Haxhiu, Hamit Kastrati, Jahir Hajdari, Labinot Halilaj, Malsore Cakiqi, Marigona Bazaj, Mehedin Salihu, Mërgim Pirraku, Mirlinda Dvorani, Sali Dvorani.

Më poshtë ju elaborojmë pikat që janë diskutuar e miratuar me shumicë votash në mbledhjen e jashtëzakonshme të Kuvendit të Komunës.

**Kryesuesi i Kuvendit Komunal, Milaim Hajdari**- pasi përshëndeti të gjithë të pranishmit njoftoi me rendin e ditës anëtarët e Kuvendit Komunal.

**Egzona Tërdevci**, i përgëzoi që i keni marrë parasysh rekomandimin tonë që mbledhja e kaluar e seancës së jashtëzakonshme nuk është thirr në përputhje me ligjin e vetëqeverisjes lokale e as me udhëzimin administrativ të MAPL-së për thirrjen e mbledhjeve të Kuvendit të komunës, tek pika e 8-të propozim vendim për miratimin e raportit të komisionit komunal përfundimtar për vlerësimin e dëmeve nga fatkeqësitë natyrore dhe fatkeqësitë tjera, ne nuk kemi marrë material nga komisioni për vlerësimin e dëmeve, nuk besoj që mundemi me votu për diçka që nuk e dimë se si është vlerësuar, propozoj që kjo pikë të shtyhet për një mbledhje tjetër.

**Kryetari i Komunës Ramiz Lladrovci**, i falënderoi për pjesëmarrje në këtë mbledhje kaq të rëndësishme sot për komunën e Drenasit, ku 6 prej tyre vlerësohen edhe për grand të performancës. Pika e tetë propozim vendim për miratimin e raportit të komisionit komunal përfundimtar për vlerësimin e dëmeve nga fatkeqësitë natyrore dhe fatkeqësitë tjera, është një pikë të cilën komisioni e ka bërë vlerësimin e dëmeve, e kemi dërguar në ministri, pastaj qeveria e ka nxjerr një vendim tjetër dhe ne për shkak të kohës qytetarëve me të ardhur në ndihmë, ato janë vlerësime që i ka bërë komisioni nuk i kemi bërë ne, mirëpo është edhe një komision qeveritar që e bën vlerësimin.

Meqë nuk pati diskutime tjera, kryesuesi hodhi në votim rendin e ditës: prezent gjatë votimit ishin 16 anëtar, **(Për)** votuan 16 anëtar, kundër nuk pati, abstenim nuk pati, u miratua rendi i ditës.

**Kryesuesi i Kuvendit Komunal Milaim Hajdari**, hapi diskutimin për pikën e parë të rendit të ditës: **1. Propozim vendim për shfuqizimin e vendimit 02. Nr. 464/01-18364 të datës 27.04.2022, të Kuvendit të Komunës së Drenasit.**

**Egzona Tërdevci**, këtë vendim ne si grup i asamblistëve e kishim kundërshtuar parimisht në seancën e dt. 27.04.2022 gjithëherë duke pas parasysh interesin e përgjithshëm të komunës dhe qytetarëve tanë, një vendim të tillë edhe ministria e Planifikimit Hapësinor e ka vlersu të jashtëligjshëm për faktin se një kompetencë e tillë me ligj për shpronësim i takon kryetarit të komunës, kuvendi nuk ka ndonjë rregullore tjetër lidhur me këtë çështje. Janë dy çështje që nuk i kam kuptuar në këtë pjesë, vlerësimi i ligjshmërisë në këtë rast i mos ligjshmërisë është konstatuar që vendimi është në kundërshtim me ligjin, e cila është dhënë në maj të këtij viti,

nëse kuvendi komunal e ka marrë këtë vendim qysh në maj pse u dashtë 7 muaj për me e prit për me e sjellë shfuqizimin e këtij vendimi dhe nëse një kompetencë e tillë i takon kryetarit të komunës, cila është arsyeja që një vendim i tillë me shku përmes asamblesë apo është frik nga marrja e përgjegjësisë.

**Kryetari i Komunës Ramiz Lladrovci**, nuk i kam ik dhe as nuk i iki përgjegjësisë asnjëherë, çdo akt që miratohet në kuvend edhe ligjshmëria e ministrisë vjen negativ duhet të votohet prapë me u shfuqizua, unë nuk kam pas dijeni për këtë vendim, me 13.12.2022 me ka shkru Demos që e kenë një vendim që duhet me u shfuqizua para 31.12.2022, dhe ne për këtë kemi kërkuar seancë të jashtëzakonshme për shkak të situatës së krijuar që nuk kemi mbajt mbledhje të rregullt që nuk e kemi përfunduar një mbledhje të nisur me dt. 24.11.2022, dhe as nuk i kam ik, as nuk ka shkel ligj dhe as nuk shkeli ligj. Ky vendim duhet me u shfuqizua për me me qenë ne në garë të performances.

Meqë nuk pati diskutime tjera, kryesuesi hodhi në votim rendin e ditës: prezent gjatë votimit ishin 16 anëtar, **(Për)** votuan 16 anëtar, kundër nuk pati, abstenim nuk pati, u miratua kjo pikë e rendit të ditës.

**Kryesuesi i Kuvendit Komunal Milaim Hajdari**, hapi diskutimin për pikën e dytë të rendit të ditës: **2. Plan i Punës së Kuvendit Komunal për vitin 2023.**

**Florentina Elezi-Veliu**, sa i përket planit të punës së Kuvendit Komunal do ishte mirë me pas edhe një raport të punës për vitin 2022 përmbledhje e punës së kuvendit, por për herëve të tjera të mbetet si rekomandim, po ashtu rekomandoj që plani i punës viteve tjera me u mbajt se bashku me asamblistët, me mbajt një punëtori një ditore edhe se bashku me asamblistët me e bërë planin për vitin vijues.

Meqë nuk pati diskutime tjera, kryesuesi hodhi në votim rendin e ditës: prezent gjatë votimit ishin 16 anëtar, **(Për)** votuan 16 anëtar, kundër nuk pati, abstenim nuk pati, u miratua kjo pikë e rendit të ditës.

**Kryesuesi i Kuvendit Komunal Milaim Hajdari**, hapi diskutimin për pikën e tretë të rendit të ditës: **3. Plan vjetor i punës së Kryetarit të Komunës për vitin 2023.**

**Egzona Tërdevci**, kryetari është zotuar para neve si asamblistë se në vitin 2022 do të përfundoj problemi me ujësjellës, ne të gjithë jemi dëshmitar se nuk është bërë asgjë në këtë drejtim jemi 22 fshatra me lokalitete të Drenasit vazhdojnë me mbet pa ujë të pijes, tek faqe 2 tek plan programi juaj prej 84 faqeve shkruan parimet e qeverisjes komunale, është hera e parë që po dëgjoj që janë dy lloj qeverie të ndara ajo e kryetarit të komunës dhe ajo e qeverise komunale, unë kam konsideruar që jeni ekzekutiv i përbashkët. Po ashtu e keni cek që kontratat që lidhen me çdo kompani do të publikohen në ueb faqen e komunës me qëllim të rritjes së transparencës dhe llogaridhënies, kjo nuk ndodh, sot kam hy në ueb faqen e komunës për me i shiku kontratat e tenderëve, parandalimi dhe uzurpimi i pronave publike dhe përpjekjet që prona publike t'i kthehet komunës dhe të jete njëra ndër prioritetet tjera të qeverisjes, dhe punësimi në institucionet publike do të bëhet në mbikëqyrjen e organizatave jo qeveritare në mënyrë që punësimi të bëhet me mërita dhe kualifikim të duhur, cila organizatë joqeveritare e përcjell punën e punësimit në Komunën e Drenasit kush e bënë e mbikëqyrjen e punësimit. Pyeti për drejtorinë e Arsimit faqe 25 është paraparë një projekt digjitalizimi i shkollave një projekt i tillë ka qene i paraparë edhe për vitin 2022 a ka fillu ky projekt, dhe sa është realizuar? Apo cila është arsyeja e mos realizmit të këtij projekti, si dhe

tek projektet kapitale është paparaparë inventarizimi i objektit të qendrës kulturore për gruan dhe arkivin, kërkoj sqarim se për cilin objekt behet fjalë si dhe në situatën ku rrënohet objekti i komunës së vjetër që përmban edhe sallën e kulturës cila është alternativa e drejtorisë për Kulturë Rini dhe Sport për mbajtjen e aktiviteteve kulturore në qytet pasi që e dina që nuk ka sallë tjetër.

**Kryetari i Komunës Ramiz Lladrovci**, për planin e punës e sjellim raportin në janar dhe do të dha përgjigje për çdo pikë. Edhe projekti i ujit është duke u përfundua. Nuk ka kontratë që nuk është e publikuar, e kemi obligim me ligj që çdo kontratë duhet me e publikua në ueb faqe zyrtare të komunës. Pronat i kemi obligim me ligj që me i dhënë në shfrytëzim. Për qendrën e grave ne e kemi ndërtua një objekt me donatorë i cili do të jetë në shërbim tyre. Nuk kemi buxhet për momentin me iu siguru inventar, ne po e shikojmë mundësinë nga ndonjë donator.

**Beqir Kiqina**, sa i përket dhënies së pronave në shfrytëzim si përfaqësues i qytetareve në Kuvend nëse kthehemi në gjenezë komuna është e qytetareve atëherë nëse është në interes të qytetareve dhënia e pronave në shfrytëzim, ne e dimë se pronat jepen në shfrytëzim afat shkurt, afat mesëm dhe afat gjatë. Dhe çdo here kemi kërkuar që komuna me u zhvillu me qarkullu mjetet monetare afarizmi dhe të gjitha këto, dhe në qoftë se një Komunë nuk jep prona në shfrytëzim dhe nuk i tërheq investitorët dhe nuk ka vende pune nuk siguron mirëqenie sociale atëherë ajo Komunë është e destinume për me deshtu kështu funksionon në demokraci ku pronat jepen në shfrytëzim sipas ligjeve të Republikës së Kosovës dhe nëse e mbaj mend, edhe ne si anëtar të kuvendit po edhe qytetaret na e dimë që ish. Kryeministri Haradinaj në vitin 2018 e ka dërgu në gjykatë do të thotë ka marr vendim që pronat e AKP-së mi taku ekskluzivisht mi taku Komunave, dhe Komunat Kuvendit me vendosë për ato prona, atëherë Presidenti Thaçi e ka dërgu për kushtetutshmëri këtë pikë dhe Kushtetuta e ka kthi që Kryeministri ka të drejtë dhe pronat jo agjensionet po pronat do të thotë vendos Komuna normal së bashku me legjislativin ose Kuvendin e Komunës nëse na votojmë si Kuvend Komunal për prona për me pru investitor për me investu kalon në Kuvend Komunal dhe dërgohet në MAPL dhe MAPL-ja e kthen se gjithçka është në rregull atëherë po besojmë që edhe na si përfaqësues të qytetareve të Kuvendit Komunal nuk jemi kundër interesit të qytetarve dhe po votojmë që prona e Komunës që rrjedhimisht Komuna është e qytetareve me pas të drejtë edhe pronat me ju dhanë në shfrytëzim duke e respektu ligjin duke respektu udhëzimet e MAPL-së.

**Kryetari i Komunës Ramiz Lladrovci**, 31 asamblist jeni kanë në seancë kur e keni votu rendin e ditës për të gjitha pikat pa dallim, kur u ardh të pikat e dhënies së pronave në shfrytëzim që është ekskluzivisht në dorën e juve e votoni për apo kundër, e keni lëshu seancën unë nuk ju fajësoj opozitën që e lëshon seancën sepse opozita i ka metodat e veta të veprimt pa asnjë sqarim I hap rrugë korrupsionit te unë nuk kalon korrupsioni. Kuvendi Komunal që në këtë rast sipas informacioneve tona kanë qenë 17 vota kundra kanë mujt me i votu këto pika dhe 14 për është dashtë me votu kundra nëse e ka vlersu shumica po jo me lëshu sallën për mi hap rrugë negociatave për korrupsion dhe me rreziku Komunën me mbajt mbledhjen e rregullt për mi kalu pikat të cilat e qojnë Komunën në garë për grand të përfomances prandaj edhe një herë po ju bëj thirrje, po ju bej apel keni të drejt me lobu keni të drejt me rrëzu çdo pik të rendit të ditës që e sjellin në Kuvend po qytetari nuk e ka votu askënd me sabotu Kuvendin e vet me sabotu zhvillimin e Komunës së vetë sepse ne këna humb si Komunë e ju keni humb si asamblist sepse kurrigjë mos paqi humb keni humb një pagë të muajit 12 e vogël apo e madhe e nxajm se dikush jeton vetëm prej asaj page. Unë e kam për detyrë me i pru deri në Kuvend, vendimet që i marr vet janë të pa negociushme dhe

të pa diskutueshme, vendimet që i merr Kuvendi unë e kam obligim me i sjellë në Kuvend me mundu me bind kam të drejt dhe pastaj ju me vendos vet sipas dëshirës së juaj .

Meqë nuk pati diskutime tjera, kryesuesi hodhi në votim këtë pikë të rendit të ditës: prezent gjatë votimit ishin 16 anëtar, **(Për)** votuan 12 anëtar, 4 kundër, abstenim nuk pati, u miratua kjo pikë e rendit të ditës.

**Kryesuesi i Kuvendit Komunal Milaim Hajdari**, hapi diskutimin për pikën e katërt të rendit të ditës: **4. Plani Komunal për Integritet 2023-2026.**

Meqë nuk pati diskutime vërejtje apo sugjerime, kryesuesi hodhi në votim këtë pikë të rendit të ditës: prezent gjatë votimit ishin 16 anëtar, **(Për)** votuan 13 anëtar, kundër nuk pati, abstenim 3, u miratua kjo pikë e rendit të ditës.

**Kryesuesi i Kuvendit Komunal Milaim Hajdari**, hapi diskutimin për pikën e pestë të rendit të ditës: **5. Lista e rreziqeve Komunale për vitin 2023.**

Meqë nuk pati diskutime vërejtje apo sugjerime, kryesuesi hodhi në votim këtë pikë të rendit të ditës: prezent gjatë votimit ishin 16 anëtar, **(Për)** votuan 12 anëtar, kundër nuk pati, abstenim 4, u miratua kjo pikë e rendit të ditës.

**Kryesuesi i Kuvendit Komunal Milaim Hajdari**, hapi diskutimin për pikën e gjashtë të rendit të ditës: **6. Propozim vendim për emërtimin e Ndërmarrjes Publike Lokale (NLP) në Drenas.**

**Egzona Tërdevci** –një prej të tri propozimeve konsiderojmë që Ekologjia me u quajt ndërmarrja publike lokale.

**Kryetari i Komunës Ramiz Lladrovci** – i kemi marra 3 propozime dhe unë jam me propozimin tanë deh i ftoj te gjithë asamblistët me miratu propozimin tënd.

Meqë nuk pati diskutime vërejtje apo sugjerime, kryesuesi hodhi në votim këtë pikë të rendit të ditës: prezent gjatë votimit ishin 16 anëtar, **(Për)** votuan 16 anëtar, kundër nuk pati, abstenim nuk pati, u miratua kjo pikë e rendit të ditës me propozimin e Egzonës.

**Kryesuesi i Kuvendit Komunal Milaim Hajdari**, hapi diskutimin për pikën e gjashtë të rendit të ditës: **7. Informimi i Kuvendit për aktivitetet e KKSB-së për gjashtë mujorin e dytë.**

**Drejtoresha e Administratës së Përgjithshme-Laureta Thaqi-** atëherë shkurtimisht po ju informoj qe ky është informim për KKSB për gjashtë mujorin e dytë te vitit 2022, nuk e kemi obligim me e sjellë në Kuvend mirë po edhe për shkak të grandit të performances edhe me qene me transparent ka anëtar qe janë pjesëtar qe janë nga opozita e kemi me obligim me sjell qe kemi mbajte mbledhje dhe i kemi 3 mbledhje ne gjashte mujorin e pare dhe 3 mbledhje ne gjate mujorin e dyte edhe kjo na shërben për grand të performances.

**Kryesuesi i Kuvendit Komunal Milaim Hajdari**, hapi diskutimin për pikën e gjashtë të rendit të ditës: **8. Propozim vendim për miratimin e raportit të komisionit komunal përfundimtar për vlerësimin e dëmeve nga fatkeqësitë natyrore dhe fatkeqësitë tjera.**

**Drejtoresha për Shërbime Publike dhe emergjente Lumnije Krapi,** në bazë të vendimit e ardhur nga ministria është kërkuar që në përpikë mëri t'i përcjellim hapat nga ky vendim fillimisht është kërkuar që të formohet komisioni për vlerësimin e dëmeve prej drejtorive që përfaqësojnë prej 4 anëtareve në mandate 4 vjeçar d.m.th. në bazë të rregullores e kemi formuar në vitin 2022, meqë komisioni është formuar në bazë të rregullores nuk kemi pasur nevojë me bere komision tjetër së është në mandat 4 vjeçar prej atëherë komisioni ka dal ne verifikimin e kërkesave të qytetareve që kanë qenë të adresuara në drejtorinë e shërbimeve publike dhe drejtorin e Bujqësisë është hartuar raporti në bazë të raportit gjithmonë kemi qenë në kontakte edhe me komisionin qendror që është përfaqësuar nga Kastriot Lajqi është kërkuar që ky vlerësim i dëmeve të kalon në zyre të kryetarit në kuvendin komunal pa miratimit në kuvendin komunal duhet të dërgohet në afatin prej 15 ditëve në agjencinë për menaxhimin emergjent dhe i dorëzohet një kopje komisionit qendror i cili qe ne rast konstaton qe ka mangësi dhe nuk është bërë vlerësimi në bazë të rregullores për fatkeqësi natyrore dhe fatkeqësi tjera atëherë kthehet prape ne komisionin lokal për verifikim deri sa komisioni qendror e vlerëson qe vlerësimi është bere ne baze te rregullores këtë raport e dorëzon ne qeverinë e Republikës së Kosovës e cila merr ne shqyrtim për vlerësim përfundimtar.

**Beqir Kiqina-** a mundesh me na tregu sa i përket reshjeve të fundit atmosferike që qytetaret tanë janë prekur dhe ky komisioni i formuar më: 19.10.2022 pavarësisht qiku komision a e ka marr vlerësimin e dëmeve dhe a i ka dergu në komision qendror dhe komisioni qendror kur pritët që qytetaret të prekur nga vërshimet kur do t'i kompensohet demet e tyre.

**Lumnije Krapi-** për agjensionin e menaxhimit emergjent brenda 15 ditëve e dërgon të komisioni qendror, komisioni qendror e verifikon nëse është bërë vlerësimi sipas rregullores, atëherë nëse është bërë vlerësimi sipas rregullores e dërgon në qeverinë e Kosovës për shqyrtim dhe verifikim mandej bëhet pagesa,


**Albulena Saliuku-** besoj që është bërë një vlerësim i duhur edhe në bazë të rregullores kështu që kuptohet që duhet të votohet ky propozim në mbështetje të qytetareve të Komunës tonë, për demet që ju kanë shkaktuar nga fatkeqësitë natyrore përndryshe pjesa tjetër procedurale që me rendësi është që tek dëme me ju kompenzu qytetareve.


Meqë nuk pati diskutime vërejtje apo sugjerime, kryesuesi hodhi në votim këtë pikë të rendit të ditës: prezent gjatë votimit ishin 16 anëtar, **(Për)** votuan 12 anëtar, kundër nuk pati, abstenim 4, u miratua kjo pikë e rendit të ditës.

Meqë nuk pati diskutime tjera kryesuesi e konsideroi të mbyllur mbledhjen e KPF-së.

**Mbledhja përfundoj rreth orës: 11:20 min.**

**Procesmbajtëse:**

  
**Liridona Fejza-Ajazi**

  
**Kryesuesi i Kuvendit Komunal**  
  
**Milaim Hajdari**